



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01- /13  
Datum: 2014

**PRIJEDLOG**

Na osnovu člana 1. stav 3. Zakona o zaštiti zraka ("Službene novine FBiH", broj: 33/03,04/10), člana 26. Zakona o zaštiti od požara i vatrogastvu ("Službene novine F BiH", broj: 64/09), člana 8. Zakona o principima lokalne samouprave u F BiH ("Službene novine F BiH", broj: 49/06) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj \_\_\_\_sjednici, održanoj \_\_\_\_ godine, d o n o s i

**O D L U K U**  
**o zaštiti zraka**

**I - OPŠTE ODREDBE**

**Član 1.**

Ovom odlukom regulisana su prava, dužnosti i obaveze građana, preduzeća i drugih organizacija pri korištenju i upotrebi zraka, a u svrhu zaštite zraka od zagađenja na području općine Tešanj.

**Član 2.**

Ova odluka ima za cilj zaštitu zdravlja stanovništva, biljnog i životinjskog svijeta, vode i zemljišta, kulturnih i materijalnih vrijednosti, postizanje stalnog poboljšanja kvaliteta zraka kroz upravljanje kvalitetom zraka na području općine Tešanj, te sprečavanje i otklanjanje uzroka opasnosti od požara.

**II – OGRANIČENJE I NADZOR NAD EMISIJOM**

**Član 3.**

Ograničenje i nadzor nad emisijama podrazumijeva provođenje aktivnosti kojima se sprečava prekoračenje graničnih vrijednosti emisije zagađujućih materija u zraku utvrđenih državnim, federalnim i kantonalnim propisima.

**Član 4.**

Nije dozvoljena prodaja ili upotreba uglja, koji ima sadržaj sumpora iznad 2,50 %.

Čvrsta goriva koja se koriste za produkciju toplotne energije, prilikom skladištenja moraju biti zaštićena od atmosferskih uticaja.

Teška ulja kod kojih sadržaj sumpora prelazi 1,00 % ne mogu biti korištena kao gorivo.

Dokaz o zadovoljavanju uslova iz stava 1. ovog člana, treba biti izdat od strane akreditovane laboratorije za analizu uglja.

**Član 5.**

Postrojenja za sagorijevanje mogu koristiti samo one vrste goriva za koje su projektovane.

Nije dozvoljena ugradnja i upotreba postrojenja za sagorijevanje čija normalna eksploatacija neće zadovoljiti granične vrijednosti emisije.

Postrojenja za sagorijevanje moraju imati odvod dimnih gasova u skladu sa važećim Pravilnikom o tehničkim svojstvima za dimnjake u građevinama F BiH.

**Član 6.**

Pravna i fizička lica dužna su mjeriti emisiju štetnih gasova jednom u dvije godine. Ukoliko se utvrdi da je emisija štetnih gasova u atmosferu prelazi dozvoljene granice mora se u roku mjesec dana otkloniti uzrok zagađenja zraka.

### III – PROVJERA I PRORAČUN EMISIJE

#### Član 7.

U cilju sprečavanja korištenja postrojenja, uređaja i vozila sa povećanim emisijama do kojih može doći neodgovarajućim nabavkama ili izgradnjom, odnosno, u toku eksploatacije zbog nedovoljnog održavanja, uvodi se sistem monitoringa emisija.

Monitoring emisija u smislu ove odluke odnosi se na:

- a) stacionarne izvore do 250 kW,
- b) motorna vozila.

#### Član 8.

Monitoringom emisije se obezbjeđuju podloge za izradu Registra zagađivača zraka, a sadrže:

- a) registraciju izvora zagađivanja i to: stacionarne izvore i motorna vozila,
- b) provjeru emisije iz izvora mjerenjem.

#### Član 9.

Mjerenje emisije iz motornih vozila se vrši na saobraćajnicama i tehničkim pregledima vozila u skladu sa posebnim propisima iz oblasti bezbjednosti saobraćaja.

Pregled i mjerenje emisije CO i NOx iz postrojenja za sagorijevanje mogu obavljati i ovlašteni dimnjačari na izvorima sagorijevanja čija je termalna snaga manja od 250 kW, po ovlaštenju Ministarstva.

### IV – DIMNJAČARSKA DJELATNOST I ODRŽAVANJE POSTROJENJA

#### Član 10.

Dimnjačarsku djelatnost može obavljati fizičko i pravno lice koje je registrovano za obavljanje te djelatnosti, ima potrebnu opremu i najmanje jedno stručno lice osposobljeno i certificirano za obavljanje dimnjačarskih poslova.

#### Član 11.

Ovlašteni dimnjačar (fizičko ili pravno lice) dužan je obavljati dimnjačarsku djelatnost, prema propisima i pravilima struke.

Ovlašteni je dimnjačar dužan izraditi godišnji plan čišćenja i kontrole dimnjaka te ga dostaviti Službi CZ- Odjeljenje zaštite od požara i vatrogastva, komunalnom inspektoru i inspektoru zaštite od požara.

Plan čišćenja i kontrole dimnjaka ovlašteni je dimnjačar dužan izvjesiti na vidnom mjestu u objektu najmanje pet dana prije dolaska.

#### Član 12.

U roku od godinu dana po stupanju na snagu ove Odluke općina Tešanj će zonirati na dimnjačarska područja. Putem javnog poziva Općina će dodjeljivati pravo rada dimnjačarima na određenom području i jedan od kriterija će biti najniža ponudena cijena usluge čišćenja dimnjaka.

#### Član 13.

Korisnici usluga dužni su omogućiti redovitu kontrolu i čišćenje ložišta i dimnjaka. Korisnici usluga dužni su, na zahtjev ovlaštenog dimnjačara, obavijestiti ga o broju i vrsti ložišta i dimnjaka, te o sezoni loženja i omogućiti pristup svakom ložištu i dimnjaku koji se koristi.

#### Član 14.

Korisnici usluga ne smiju ovlaštenom dimnjačaru sprječavati pristup do mjesta za čišćenje dimnjaka niti ga ometati u obavljanju dimnjačarskih poslova. Radi ispravnog i redovitog čišćenja i kontrole dimnjaka pristup do vratašca dimnjaka mora biti uvijek slobodan. Pri obavljanju dimnjačarskih poslova ovlašteni je dimnjačar dužan voditi brigu o čistoći prostorije korisnika usluge.

#### Član 15.

Ako ovlašteni dimnjačar utvrdi da na dimnjaku postoje nedostaci, pismeno će o tome obavijestiti vlasnika objekta ili upravitelja, da uklone nedostatke u roku koji ne može biti duži od dva mjeseca, te će o tome obavijestiti nadležnu inspekciju za zaštitu od požara i komunalnog inspektora. Ako se radi o nedostacima na dimnjaku na koji je priključeno plinsko ložište, ovlašteni je dimnjačar o uočenim nedostacima dužan odmah obavijestiti i distributera plina.

#### Član 16.

Ovlašteni je dimnjačar dužan voditi kontrolnu knjigu o čišćenju i kontroli dimnjaka. Kontrolna knjiga vodi

se za svaki objekat posebno, u dimnjačarskom području a sadrži:

1. oznaku objekta - ulicu i broj;
2. ime i prezime vlasnika objekta ili naziv upravitelja;
3. oznaku dimnjaka koji se čiste;
4. datum obavljanja dimnjačarskih poslova i nalaz;
5. potpis područnog dimnjačara;
6. potpis lica pod tačkom 2. ovog stava kao potvrdu obavljenih dimnjačarskih radova.

#### Član 17.

Uz kontrolnu knjigu ovlaštenu je dimnjačar dužan voditi kartoteku dimnjaka koji se obavezno čiste. Kartoni dimnjaka sadrže:

1. oznaku objekta - ulicu i broj;
2. ime i prezime vlasnika objekta ili naziv upravitelja;
3. broj i vrstu dimnjaka;
4. rokove čišćenja.

#### Član 18.

Ovlašteni su dimnjačari dužni, jedanput godišnje, do početka grejne sezone, Službi CZ-Odjeljenje zaštite od požara i vatrogastva podnijeti izvještaj o promjeni broja i vrste dimnjaka na svom dimnjačarskom području.

#### Član 19.

Obavezno se, jedanput u dvije godine, kontrolišu, a ne čiste:

- dimnjaci, koji se stalno ne koriste i na koje nisu priključena ložišta, te otvori kojih su za priključke propisno zatvoreni,
- dimnjaci u objektima, koji se zagrijavaju električnom energijom ili su priključeni na daljinski sistem grijanja,
- prirodni ventilacijski kanali centralno smještenih pomoćnih prostorija s ugrađenim plinskim trošilom.

#### Član 20.

Obvezno se kontrolišu i čiste:

1. postrojenja za grijanje - kontrolišu se svakih šest mjeseci, pri čemu se u slučaju potrebe i čiste, a najmanje jedanput godišnje;
2. usponski dimnovodni kanali, priključne cijevi i kanali, skupljači dimnih plinova, priključci, glatki dimnjaci bez produžene cijevi - jedanput godišnje,
3. dimnjaci ložišta na kruto gorivo kontrolišu se svakih šest mjeseci, pri čemu se u slučaju potrebe i čiste, a najmanje jedanput godišnje;
4. glatki dimnjaci LAF sistema i kanali zraka za izgaranje - dvaput godišnje;
5. dimnjaci od opeke na koja su priključena plinska ložišta - kontrolišu se svakih šest mjeseci, pri čemu se u slučaju potrebe i čiste, a najmanje jedanput godišnje;
6. priključne cijevi, spojni dimnovodni kanali plinskih ložišta s otvorenom komorom izgaranja snage do 26 kW - kontrolišu se i čiste svake dvije godine.

#### Član 21.

Čišćenje automatiziranih ložišta, pri kojem su moguće opasnosti, područni dimnjačar ne može obaviti bez korisnikova pristanka.

#### Član 22.

Kontrola ložišta za izgaranje krutih, tekućih i plinovitih goriva provodi se u svrhu zaštite zraka od onečišćenja i zaštite od požara kontrolom ispravnosti rada ložišta, a prema pravilima struke u slijedećim rokovima:

1. ložišta snage do 26 kW - jedanput u dvije godine;
2. ložišta snage do 50 kW - jedanput godišnje;
3. ložišta snage preko 50 kW do 250 kW - svakih šest mjeseci.

#### Član 23.

Ovlašteni dimnjačar ima pravo na naknadu za obavljanje dimnjačarskih poslova. Ugovorom o koncesiji određuje se način utvrđivanja naknade za obavljanje dimnjačarske djelatnosti.

Utvrđivanje uvjeta shodno članu 9. stav 1 ove Odluke, prijedloga javnog poziva i ugovora o koncesiji za obavljanje djelatnosti ovlaštenog dimnjačara, u nadležnosti je Službe civilne zaštite.

#### Član 24.

Naknadu za obavljene dimnjačarske usluge ovlaštenom dimnjačaru plaća vlasnik objekta ili upravitelj.

#### Član 25.

Služba CZ-Odjeljenje zaštite od požara i vatrogastva je obavezna osigurati prisustvo vatrogasaca i tehnike, na poziv davaoca usluge ili korisnika usluge, ukoliko davalac usluge procjeni da je njihovo prisustvo obavezno.

Naknadu za izvršene usluge PVJ, plaća korisnik usluge, po cjenovniku Službe CZ-Odjeljenje zaštite od požara i vatrogastva.

Služba CZ - Odjeljenje zaštite od požara i vatrogastva dužna je u roku od 3 (tri) dana obavjestiti nadležnu inspekciju o svakoj intervenciji na gašenju dimovodnih kanala u cilju daljeg preventivnog djelovanja.

### V – NADZOR

#### Član 26.

Nadzor nad provođenjem ove Odluke vrši komunalni inspektor i inspektor zaštite od požara.

#### Član 27.

Komunalni inspektor je ovlašten:

1. narediti obavljanje dimnjačarskih radova, ako utvrdi da ih ovlašteni dimnjačar ne obavlja ili ih ne obavlja potpuno;
2. zabraniti neovlašteno obavljanje dimnjačarskih radova;
3. kontrolisati vođenje kontrolne knjige i kartoteke dimnjaka;
4. pokrenuti prekršajni postupak te poduzeti druge propisane mjere.

### VI – KAZNENE ODREDBE

#### Član 28.

Novčanom kaznom za prekršaj u iznosu od 300,00 do 1.200,00 KM kazniće se pravno lice:

- ako prodaje ili upotrebljava ugalj koji ima sadržaj sumpora iznad 2,50 % (član 4.)
- ako prodaje ili upotrebljava ugalj bez dokaza o analizi na sadržaj sumpora (član 4.)
- ako ne vrše mjerenje štetnih plinova (član 6.)
- ako sprječava pristup ili ometa dimnjačara (član 11.),
- ako ne otkloni nedostatke u zadatom roku (član 12.),
- ako ne da pristanak za čišćenje automatiziranog ložišta (član 18),

Za prekršaje iz stava 1. ovog člana novčanom kaznom u iznosu od 200,00 KM kazni će se i odgovorno lice u pravnom licu.

Za prekršaje iz stava 1. ovog člana, novčanom kaznom u iznosu od 100,00 do 300,00 KM kazni će se i fizičko lice – vlasnik objekta.

### VII – PRELAZNE I ZAVRŠNE ODREDBE

#### Član 29.

Ova Odluka stupa na snagu osmog dana od dana objavljivanja u “Službenom glasniku Općine Tešanj”, a primjenjiva će se šest mjeseci po stupanju na snagu.

**PREDSJEDAVAJUĆI VIJEĆA**

Fuad Šišić, dipl.ing.maš

## **O b r a z l o ž e n j e:**

### **Pravni osnov:**

Pravni osnov za donošenje ove odluke sadržan je u članu 26. Zakona o zaštiti od požara i vatrogastvu ("Službene novine F BiH", broj: 64/09), članu 1. stav 3. Zakona o zaštiti zraka i Zakona o izmjenama i dopunama Zakona o zaštiti zraka ("Službene novine F BiH", broj: 33/03 i broj: 04/10) i članu 8. Zakona o principima lokalne samouprave u F BiH ("Službene novine F BiH", broj: 49/06).

### **Razlozi donošenja:**

Postizanje većeg kvaliteta zraka kroz upravljanje kvalitetom zraka na području općine Tešanj te sprečavanje i otklanjanje uzroka opasnosti od požara, cilj je ove odluke kojom se regulišu prava, dužnosti i obaveze u svrhu zaštite zraka od zagađenja na području općine Tešanj.

Ovom odlukom uvodi se registar zagađivača, monitoring kvaliteta zraka i dimnjačarska djelatnost na području Općine.

Na prostoru općine Tešanj nepunih 4% domaćinstava je korisnik usluga daljinskog grijanja, a ostatak domaćinstava koristi pretežno individualne kotlovnice za zagrijavanje prostora. Onečišćenje zraka izraženo je posebno u zimskim uslovima u urbanim dijelovima općine Tešanj (grad Tešanj, Jelah i Tešanjka).

Monitoring podaci najznačajnijih polutanata i mjerenja meteorološke stanica, pokazuju zagađenost zraka, te je analizom utvrđeno da u važećim propisima nema normi za zaštitu zraka, otklanjanje štetnih uticaja, zaštitu od zagađivača zraka i slično, koji bi se odnosili da to reguliše lokalna zajednica – Općina.

Nakon usvojenog Nacrta Odluke od strane OV Tešanj provedena je Javna rasprava 29.01.2014. godine i 11.03.2014. godine, kako bi se razmotrila pitanja vezana za Odluke te sagledale pristigle primjedbe, sugestije i prijedlozi vijećnika OV i drugih lica.

U prilogu je izvještaj sa javne rasprave u kome su evidentirane primjedbe i prijedlozi izneseni kroz raspravu.

U Prijedlog Odluke uvrštene su primjedbe i sugestije koje su opravdane, primjenjive i na zakonu utemeljene.

### **OBRADIVAČ**

**Služba za finansije, privredu, komunalne i inspeksijske poslove**

Hamzalija Hojkurić, dipl.ecc.

### **OPĆINSKI NAČELNIK**

Mr. Sc. Suad Huskić, profesor

Broj: 02-33-1-2931-4/13

Datum: 13.03.2014. godine